



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Cvsentino Archiepiscopo.

**urn:nbn:de:hbz:466:1-20020**

CYSENTINO ARCHIEPISCOPO.

**L**egissem te credimus & per experientiam didicisse quod avis ad volatum & homo nascitur ad laborem. Militia enim est vira hominis super terram. Quod cum habeat ex conditione naturae, nihilominus imminet illud ei ex praecerto dicens: *labora sicut bonus miles Christi Iesu.* Reddet namque Dominus sanctis suis mercedem, non solum fructuum, sed laborum. Cujus expers non fuit Apostolus qui dicebat, *plus ceteris laboravi; non dicens, plus ceteris fructum feci.* Quia igitur ostendere Dominus tibi ceperit quanta te oporteat pro nomine suo pati, & hostis tuus congrederentem te secum terribilibus oculis est intuitus, ita ut colluctatio tibi adversus carnem & sanguinem non sit tantum sed adversus spiritualia nequitiae in cœlestibus, ad fortia te decet mittere manum tuam, & cunctis diebus quibus nunc militas donec veniat immutatio tua, fiducialiter expectare; ne, quod absit, dicentibus tibi tentatoribus tuis, *Incurvare ut transseamus, à statu tuae rectitudinis inclineris, & caderis incipias ante illos.* De quibus oportet te dicere cum effectu: *Persequar inimicos meos, & comprehendam illos, & donec deficiant non convertar.* Proinde fraternitatem tuam monemus attentiū & exhortamur in eo qui est in se sperantium fortitudo quatinus in pugna quam contra te per ministros suos universa terra malleus incitavit, non deficias, sed proficias, & adversus principes & potestates harum tenebrarum invicta mente resistas. Deus enim fluctuationem in æternum justo non dabit, nec tentari te patientur ultra quam valeas sustinere. Proper quod, si constant adversus te castra, non timeas; immo, sicut de viro constante legitur, si fractus orbis collapsus fuerit, impavidum te ruinis perferendum esse confidas; ut tandem cum in hujusmodi bello fortis inventus fueris, & pugnam superaveris serpentis antiqui, is qui calcandi super serpentes & scorpiones tibi contulit potestatem, cum illis quibus dicturus es, *Venite ad me qui laboratis & onerati es, vincenti tibi de ligno vita, quod est in paradyso Dei tui, det edere, reque faciat pro laboribus transitionis requie sempiterna gaudere.* Datum Rome apud sanctum Petrum 11. Kal. Februarij, anno decimo.

**I**N nomine Domini. Amen. Cum causa que vertitur inter monasterium Fossæ Tom. II.

nova ex una parte & commune Pipern <sup>tij Fossa-novæ</sup> ex altera super silva Morgazani fuisse <sup>cum communia</sup> commissa Domino Hugolino Episcopo

Holtiensi à summo Pontice terminanda, convocatis partibus ante presentiam suam, libellum monasterij recepit compositum in hunc modum. Ego L. Yconomus monasterij Fossa novæ pro parte & vice monasterij peto à sanctitate vestra ut ex officio vestro juxta mandatum apostolicum inhibeatis Pipernensibus ut non molestent dictum monasterium super silva Morgazani, neque turbulent possessionem nostram. Item peto quod de damnis & injuriis illatis monasterio satisficeri faciatis. ] Cui libello in hunc modum à Pipernensibus est responsum. Ego B. procurator Pipernensium dicto silvam Morgazani in possessione nostra, videlicet avorum, patrum, & nostra semper fuisse; & dico ipsam silvam fuisse confirmata nobis per praecertum Domini Honorij Papa & Alexandri & Calixti. Vnde si Pipernenses aliquid operati sunt in ea, incidendo, vel paucendo, vel vendendo, pro suo jure rationabiliter possederunt. Vnde dico quia non teneor de injuria vel de aliquo damno, si illatum est. ] Itaque cum Dominus Holtiensis aliquandiu de causa cognovisset eadem, commisit vices suas Archipresbytero Pipernensi & Iudici Sitineni: qui receptis testibus utriusque partis, instrumentis & rationibus diligenter inspectis, causam ad Dominum Papam remiserunt sufficienter instrutam. Dominus autem Papa licet Consules & populum Pipernensem ad se saepius evocaret, neque per se neque per sufficientem responsalem coram eo voluerunt aliquatenus comparere. Quia tamen causa ipsa inspectionem locorum & finium exposcebat, mihi \* Petro de Saslo Dei gratia sanctæ Pudentianæ tituli Pastoris Presbytero Cardinali, qui tunc in ipsis partibus commorabatur, commisit ipsam controversiam dirimendam, dans mihi per litteras in mandatis ut Pipernenses ipsos ex abundanti ad meam presentiam evocarem, ac locis ipsis, de quibus erat quæstio, rationibus, attestacionibus, & instrumentis utriusque partibus, quæ sub sigillo Domini Cardinalis sanctorum Columbae & Damiani mihi transmittebantur inclusa, diligenter inspectis, non different causam ipsam calculo diffinitivæ sententiae terminare. Ego igitur juxta mandatum apostolicum accedens ad locum, fines, & loca de quibus quæstio vertebar, rationes, attestaciones, & instrumenta utriusque

\*Vide Chronicon Fossæ novæ, p. 482.

Q

que partis ibidem diligenter inspexi ; & cùm pro penuria juris peritorum non possem commodè illuc sententiam ferre, nec ipsos possem ad concordiam aliquatenus revocare , parti utriusque , quòd se summo Pontifici præsentarent , octavam Nativitatem duxi pro termino præfigendam . Venientibus autem Domino Abbatte & quibusdam monachis de Fossanova termino constituto , Pipernenses venire modis omnibus contempserunt . Et sic ad instantiam Abbatis & monachorum iterum Dominus Papa mihi associare curavit Dominum Guidonem de Capite porci & socium ejus & Dominum G. de Tocco ; coram quibus Abbas Fossanovæ proposuit se silvam Morgazani non vi , non clam , non precario possidere , & suam intentionem fundatam esse per plures testes asserebat , qui dicunt quòd terram in qua modò est silva Morgazani monasterium colonis dederit ad laborandum , & quòd partem frugum & quasdam operas de ipso terra receperit ab eisdem , & quòd monachi Fossanovæ silvam in Morgzano postea levaverunt . Item quòd per triginta annos usque ad hunc annum pro suo custodierint & defenderint Morgazenum . Item quòd à quadraginta annis & etiam quinquaginta quiete & pacifice silvam monasterium possedit eandem . Ad elidendum autem monasterij intentionem fuit propositum ex adverso , non monasterium , sed Pipernenses prædictam silvam pacifice possidere . Ad quod probandum quoddam rescriptum bona memoria Calixti Papæ , renovatum per Dominum Alexandrum , facere videbatur : in quo continebatur quòd Crescentius de Sonnino terram Morgazani & de Morteclio & omnes alias terras Pipernensem refutavit de quibus Pipernenses in possessione fuerunt , sicut expressum hoc elicitor ex rescripto ; & sic per hæc verba possessionem probare nitebantur . Testes præterea induiti fuerunt ad probandam possessionem quòd Pipernenses silvam monachis commendarunt ; & sic monachis , non sibi , sed Pipernensis possederunt . Nam si possidet cuius nomine possidetur . Item quòd lignis , pacuis & herbis , atque mapalibus usi fuerunt homines de Piperno . Ad hæc omnia præfatum monasterium replicabat dicens prædictas allegationes sibi in aliquo non obstat . In primis rescripto Papæ Calixti taliter respondebat , quòd quæstio super qua emanavit rescriptum , non inter monasterium & Pipernenses , sed inter Pipernenses & Crescentium de Sonnino tunc temporis vertebaratur . Ergo res inter alios acta aliis nec prodesse patet nec obesse . Item posito quòd inter monasterium & Pipernenses fuisset illa quæstio ventilata , non probatur per hoc possesso . Nam illa clausula que in prefato continetur rescripto ( de quibus in possessione fuerant &c . ) ad proximè dicta est tantummodo referenda , si rescriptum subtiliter sit inspectum . Recommendationi autem taliter respondebat , quòd per eam possessio non probatur . Nec enim probatur per testes quòd silvam recommendaverit universitas Pipernensis , sed simpliciter Pipernenses . Sed posito quòd probaretur , non posset aliquatenus hoc obesse ; quia , sicut dicunt testes , facta fuit monachis , non conventui vel collegio Fossanovæ . Ergo posito quòd tales recommendationem monachi receperint , non poterit per eos præjudicium monasterio generari , ne damno Ecclesiam atterat culpa temeritatis alienæ . Item ad id quod dicunt , quòd fuerunt usi pacuis , lignis &c . taliter monasterium replicabat , quòd per usum lignorum &c . possesso non probatur , cùm nedum usuarius , immo & fructuarius , vix à jure civili obtinere potuit ut naturaliter possideret , quia non dicit lex quòd naturaliter possideat , sed quòd videtur naturaliter possidere . Sed posito quòd usus possessionem induceret , non probatur quòd esset usi universitas Pipernensis , sicut & superius fuit in recommendatione plenius allegatum ; maximè cùm alij vicini silva utantur eadem , nec possint dici ideo possidere . Item allegabat pro se monasterium Fossanovæ quòd , sicut cautum est in jure civili , illa ratione potissimum debeat obtinere quòd tempore litis contestata non vi , non clam , non precario possidebat . Auditis igitur iis & aliis rationibus & plenijs intellectis , autoritate Domini Papæ & predictorum juris peritorum consilio adjudicamus jam dictam silvam Morgazani monasterio Fossanovæ pacifice possidendam & Pipernenses ab omni molesta super eadem silva cœlare , sententialiter diffinimus , quæstione proprietatis fine utriusque partis præjudicio reservata . Hanc verò sententiam ad majorem cautelam scriptam per manus B. dilecti nostri Capellani nostro sigillo fecimus communiri . Anno dominice incarnationis M C C V I I I . mense Ianuarij , x . Kal Februarij , anno decimo pontificatus Domini Innocentij III . Papæ . ] Nulli

ergo omnino hominum &c. nostræ confirmationis &c. Si quis autem &c. Datum Romæ apud sanctum Petrum 111. kal. Februarij, anno decimo.

## ALTISSIODORENSI EPISCOPO.

fol. 104.  
Adversus nisi  
tamen burgi de  
Cassino.  
Vide supra  
ep. 61.

Audientiam nostram te significans pervenit quod quidam burgeses de Caritate, licet in ea per totum ferè annum vel pro majori parte morentur & contraeū exerceant usuraram, in tribus tamen festivitatibus annualibus se ad villas Regis vel aliorum Principum extra tuam dioecesim transferunt jura parochialia exercentes ibidem, ut sic se parochianos alterius mentientes, tuam jurisdictionem eludent, coram te juri parere penitus contemnendo. Quia igitur fraus & dolus nemini debet patrocinium impertiri, ut usurarios supradictos, si res ita se haberet, ad exhibendum tibi tamquam patri & pastori suo reverentiam & obedientiam debitam, recipiendo tua salubria monita & præcepta, monitione premissa per censuram ecclesiasticam nonobstante frustratorie appellationis objectu compellas, liberam tibi auctoritate præsentium concedimus facultatem. Nulli ergo &c. nostra concessionis &c. Si quis autem &c. Datum Romæ apud sanctum Petrum 1 v. Idus Ianuarij, anno decimo.

D. 205.  
De confirmata  
tione privile-  
giorum.  
Vide supra in-  
ep. 111. cap.  
116.

PETRO ABBATI MONASTERII sancti Martini de Monte, ejusque fratribus tam præsentibus quam futuri regularum vitam professis in perpetuum.

LIcet monasterium vestrum pauperulum fuerit ab initio, in tantam tamen processu temporis paupertatem devenit ut vix in eo tres monachi remanserint, possessionibus ejus vel omnino distractis vel graviter obligatis. Vnde in generali Cisterciensi Capitulo extitit diffinatum ut à Cisterciensi ordine separari deberet, cum in eo non posset Cisterciensis ordo servari. Nos autem, qui religionem intendimus fovere plantatam, nolentes ab ipso monasterio religionem penitus extirpari, mille libras tribuimus ad possessiones ejusdem monasterij retinendas, mandantes dilectis filiis Abbatii & fratribus Pontiniacensis cenobij, quod per Dei gratiam & in spiritualibus & in temporalibus valde floret, ut Ecclesiam vestram de nostra concessione in specialem filiam adoptantes, Abbatem & conventum ad ilam dirigerent reformatam. Quod ipsi grato prosequentes affectu, vos cum qui-

Tom. II.

busdam conversis ad ipsum monasterium transmiserunt. Verum quia nec sic monasterium ipsum sufficere poterat ad conventum sufficiendum honestum, Ecclesiam sancti Salvatoris positam juxta Orclem cum omnibus possessionibus & pertinentiis suis vobis & per vos monasterio vestro in perpetuum duxinus concedendam, impenitenti vobis auctore Domino in aliis necessitatibus vestris auxilium opportunum cum laudabiliter vos proficere cognoverimus, prout cupimus & speramus. Ipsum itaque monasterium, prædecessorum nostrorum felicis recordationis Eugenij, Alexandri, & Lucij Romanorum Pontificum vestigis inhærentes, sub beati Petri & nostra protectione suscipimus & praesentis scripti parrocino communimus. In primis siquidem statuentes ut ordo monasticus, qui secundum Deum & beati Benedicti regulam atque institutionem Cisterciensium fratrum in eodem monasterio institutus esse dinoscitur &c. Præterea quascunque possessiones, quæcunque bona idem monasterium in praesenti justè & canonicè possidet &c. In quibus hæc propriis duximus exprimenda vocabulis. Locum ipsum in quo præfatum monasterium situm est cum omnibus pertinentiis suis, Ecclesiam sancti Erasmi ad portam Salsicke, Ecclesiam sancti Iohannis de Petra, Ecclesiam sancti Petri, Ecclesiam sancti Viti, Ecclesiam sancti Peregrini, Ecclesiam sancti Thomæ, Ecclesiam sanctæ Luciae de castro Viterbij, Ecclesiam sancti Clementis, Ecclesiam sancti Iohannis de Valle, Ecclesiam Leonardi cum hospitali de Rescietis. In Petrognano Ecclesiam sancti Andreæ, Ecclesiam sanctæ Mariæ, Ecclesiam sancti Zenonis, cum earum pertinentiis, Ecclesiam sancti Clementis cum pertinentiis suis. In Vetralla Ecclesiam sanctæ Mariæ de Caiano. Domos quas habetis infra castrum supradiicti Petrogiani, terras, vineas, hortos, oliveta, quæ habetis in territorio ejusdem castri. Terras quas habetis apud sanctum Alexandrum, & ipsam Ecclesiam sancti Alexandri. Campum de Larteso cum valle de Viniola, vineas, terras, silvas, & castanera quæ circa monasterium vestrum habetis. Vineas de Lugnano, cum olive. Terras quas habetis apud Montem Monasterulum. In castro sancti Victoris Ecclesiam sanctæ Luciae cum omnibus pertinentiis suis. Prædictam quoque Ecclesiam sancti Salvatoris positam juxta Orclem, cum omnibus possessionibus &

Q. ij